

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“ broj: 7/10), a u vezi sa članom 52. stav 1. tačka 2) Zakona o organizaciji organa uprave u Federaciji BiH („Službene novine Federacije Bosne i Hercegovine“, broj 35/05), i člana 8. stav (1) tačka a) Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko – dobojskog kantona“, broj: 8/06), te člana 10. Uredbe o Službi za zajedničke poslove („Službene novine Zeničko-dobojskog kantona“, broj: 2/05) na prijedlog Službe za zajedničke poslove Zeničko-dobojskog kantona, na 77. sjednici, održanoj dana 15.11.2016. godine, d o n o s i

ZAKLJUČAK

I.

Daje se saglasnost na Pravilnik o izmjenama Pravilnika o unutrašnjoj organizaciji i sistematizaciji radnih mjesta Službe za zajedničke poslove Zeničko-dobojskog kantona broj: 14-34-16889-2/16 od 08.11.2016. godine.

II.

Zadužuje se Služba za zajedničke poslove Zeničko-dobojskog kantona da četiri potpisana i ovjerena primjerka Pravilnika iz tačke I. ovog Zaključka dostavi Stručnoj službi Vlade radi ovjere saglasnosti, nakon čega će po jedan primjerak biti dostavljen Službi za zajedničke poslove Zeničko-dobojskog kantona, Sekretarijatu za zakonodavstvo i Ministarstvu za pravosuđe i upravu, a jedan će zadržati Stručna služba Vlade.

III.

Zaključak stupa na snagu danom donošenja.

Broj: 02-_____/16.

Datum, 15.11.2016. godine

Zenica

PREMIJER

Miralem Galijašević

DOSTAVLJENO:

1x Stručna služba Vlade,

1x Služba za zajedničke poslove,

1x Sekretarijat za zakonodavstvo,

1x Ministarstvo za pravosuđe i upravu,

1x a/a.

Na osnovu člana 52. stav 1. tačka 2) Zakona o organizaciji organa uprave u Federaciji Bosne i Hercegovine (“Službene Federacije Bosne i Hercegovine” broj: 35/05), člana 8. stav (1) tačka a) Uredbe o načelima za utvrđivanje unutrašnje organizacije kantonalnih i općinskih organa uprave upravnih organizacija („Službene novine Zeničko – dobojskog kantona” broj: 8/06), te člana 10. Uredbe o Službi za zajedničke poslove (“Službene novine Zeničko – dobojskog kantona” broj: 2/05), direktor Službe za zajedničke poslove, uz saglasnost Vlade Zeničko – dobojskog kantona, d o n o s i

P R A V I L N I K
o izmjenama Pravilnika o unutrašnjoj organizaciji i sistematizaciji radnih mjesta
Službe za zajedničke poslove

Član 1.

U Pravilniku o unutrašnjoj organizaciji i sistematizaciji radnih mjesta Službe za zajedničke poslove broj: 14-34-16889/16 od 11.10.2016. godine, vrše se izmjene u članu 41.

U članu 41. Pravilnika o unutrašnjoj organizaciji i sistematizaciji radnih mjesta Službe za zajedničke poslove vrše se sljedeće izmjene:

- U stavu (1) Naziv radnog mjesta: Referent – kućni majstor, mijenja se i glasi: „**Viši referent – kućni majstor**”.
- U stavu (4) Uslovi za vršenje poslova: SSS – III ili IV stepen stručne spreme ili KV radnik, elektro, tehnička ili druga srednja škola; do 6 (šest) mjeseci radnog staža; položen stručni ispit; poznavanje rada na računaru, mijenja se i glasi: “**SSS – III ili IV stepen srednje stručne spreme ili VKV radnik, elektro ili tehnička škola; najmanje 10 (deset) mjeseci radnog staža; položen stručni ispit; poznavanje rada na računaru**”.
- U stavu (9) Pozicija radnog mjesta: referent, mijenja se i glasi: „**Viši referent**”.

Član 2.

Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Službe za zajedničke poslove stupa na snagu danom davanja saglasnosti od strane Vlade Zeničko – dobojskog kantona.

Broj: 14-34-16889-2/16
Datum: 08.11.2016. godine

DIREKTOR

Ćazim Karalić